

Član 7.

U članu 70. iza tačke 11. dodaje se tačka 12. koja glasi: "donosi propise o organizaciji i osniva organ uprave".

U istom članu dosadašnje tačke 12.,13.,14. i 15. postaju tačke 13.,14.,15. i 16.

Član 8.

U članu 71. stav 2. u tački 6. umjesto tačke stavlja se zarez i dodaje tekst: "uz saglasnost Općinskog vijeća".

Član 9.

U članu 79. dodaju se stavovi 2. i 3. koji glase:

Stav 2: "Općinske službe za upravu osniva Općinsko vijeće posebnom odlukom na prijedlog Općinskog načelnika."

Stav 3: "Odlukom o osnivanju općinske službe za upravu uređuju se pitanja koja se odnose na naziv, broj, nadležnost, rukovođenje, odgovornost i način rada općinskih službi za upravu."

Član 10.

U članu 82. u stavu 3. umjesto tačke stavlja se zarez i dodaje tekst: "uz saglasnost Općinskog vijeća".

Član 11.

U članu 97. stav 2. iza riječi "dvotrećinskom većinom glasova" umjesto zarezava stavlja se tačka, a preostali tekst se briše.

Član 12.

U članu 100. dodaje se stav 2. koji glasi: "U skladu sa potrebama mjesne zajednice mogu se na području mjesne zajednice osnovati i drugi organi mjesne zajednice, što se bliže uređuje Pravilima mjesne zajednice."

Član 13.

U članu 103. stav 1. alineja 8. mijenja se i glasi: "donosi program i plana rada mjesne zajednice, na koje saglasnost daje Općinsko vijeće".

U istom članu u alineji 10. iza riječi "putem nadležne službe" umjesto zarezava stavlja se tačka, a preostali tekst se briše.

Član 14.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-804/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 13. stav 2. alineja 5., Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 70. stav 1. tačka 2, člana 113. stav 3., Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 09/20), člana 5. i člana 7. Odluke o pokretanju postupka prema dužnicima Općine Vogošća za izmirenje glavnog duga i troškova sudskog postupka uz otpis zakonskih zatezanih kamata ("Službene novine Kantona Sarajevo", broj 25/23), Općinsko Vijeće Općine Vogošća, na 37. redovnoj sjednici, održanoj dana 30.05.2024. godine, donijelo je

ODLUKU

**O OTPISU ZAKONSKIH ZATEZNIH KAMATA
DUŽNIKU "MURAI - KOMERC" D.O.O. VOGOŠĆA,
PROMETNO - PROIZVODNO DRUŠTVO ZA
UNUTRAŠNJU I VANJSKU TRGOVINU**

Član 1.

Otpisuju se zakonske zatezne kamate dužniku "MURAI - KOMERC" d.o.o. Vogošća, Prometno - proizvodno društvo za unutrašnju i vanjsku trgovinu, sa sjedištem u ul. Branilaca vijenca bb, Vogošća, određene Rješenjem o izvršenju Općinskog suda u Sarajevu broj 65 0 Ip 822936 19 Ip i 65 0 Ip 820592 19 Ip, te Sudskom nagodbom zaključenom pred Općinskim sudom u Sarajevu broj 65 0 Ps 688514 18 Ps od 03.10.2019. godine, na iznos glavnice duga za neisplaćenu naknadu za pogodnost - rentu od 131.903,67 KM, a koji novčani iznos je izmiren u cijelosti, kao i troškovi izvršnog postupka u iznosu od 720,00 KM.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-64/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst 14/15 i 9/20) i člana 3. Odluke o prioritetima i načinu korištenja sredstava za dodjelu pomoći za saniranje šteta nastalih prilikom proglašenja prirodne nesreće izazvane poplavama i klizištima na području općine Vogošća u maju 2014. godine ("Službene novine Kantona Sarajevo", broj 45/15), Općinsko vijeće Vogošća na sjednici održanoj dana, 30.05.2024. godine, donijelo je

ODLUKU

**O IZMJENI ODLUKE O PRENOSU PRAVA NA
NEKRETNINI-STANU U VLASNIŠTVU OPĆINE
VOGOŠĆA**

Član 1.

U Odluci o prenosu prava na nekretnini - stanu u vlasništvu Općine Vogošća broj 01-02-792-1/24 od 25.04.2024. godine, objavljena u "Službenim novinama Kantona Sarajevo" broj 18/24, u članu 1. ime "**DURIĆ (ISMET) DŽEMILI**" mijenja se i glasi: "**DURIĆ (PAŠAGA) ĐEMILI**".

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-792/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 70. stav (1) tačka 2 Statuta Općine Vogošća ("Službene novine Kantona Sarajevo", broj 27/14 - Prečišćeni tekst 14/15 i 9/20), Općinsko vijeće Vogošća, na sjednici održanoj 30.05.2024. godine, donijelo je

ODLUKU
O PRISTUPANJU IZRADI IZMJENA I DOPUNA
URBANISTIČKOG PROJEKTA "SOLARIS"
OBJEKTI KOLEKTIVNOG STANOVANJA NA
PARCELAMA K.Č.1153/6 I K.Č.1154 K.O. VOGOŠĆA
(SKRAĆENI POSTUPAK)

Član 1.

(Vrsta Plana)

Pristupa se izradi Izmjena i dopuna Urbanističkog projekta "Solaris" - Objekti kolektivnog stanovanja na parcelama k.č.1153/6 i k.č.1154 k.o.Vogošća ("Službene novine Grada Sarajeva", broj 5/88, 16/90 i "Službene novine Kantona Sarajevo", broj 24/11, 19/16, 6/17, 25/18, 39/18 i 17/23), po skraćenom postupku - u daljem tekstu: Izmjene i dopune Plana.

Član 2.

(Granice područja za koje se Plan radi)

Granica obuhvata polazi od tačke br.1 koja se nalazi na međi između parcela k.č.2402 i 1251/14, a ima koordinate $y=6527630$, $x=4862164$, zatim produžava na sjever obuhvatajući parcelu k.č.1154 u dužini od 29 m do tačke br.2 koja ima koordinate $y=6527622$, $x=4862190$, potom nastavlja u istom pravcu u blagom luku preko parcele k.č.1154 do tromede parcela k.č.1154, 1153/6 i 2402. Granica obuhvata produžava na sjever, te istok idući međom parcele k.č.1153/6 (obuhvata je) i dolazi u tačku br. 3 koja se nalazi na parceli k.č.1136, koja je ujedno i planirana saobraćajnica, a ima koordinate $y=6527654$, $x=4862277$, potom se lomi u pravcu juga idući planiranom saobraćajnicom koja ujedno siječe parcele k.č. 1136,1155/2 i 1251/14 i dolazi do mjesta odakle je opis granice i počeo.

Sve gore navedene parcele se nalaze u K.O. Vogošća, Općina Vogošća.

Površina obuhvata iznosi $P=0,46$ ha.

Član 3.

(Vremenski period za koji se Plan donosi)

Plan se donosi za period do donošenja novog planskog dokumenta.

Član 4.

(Smjernice za izradu Plana)

Izmjene i dopune Urbanističkog projekta "Solaris" ("Službene novine Grada Sarajeva", broj 5/88, 16/90 i "Službene novine Kantona Sarajevo", broj 24/11, 19/16, 6/17, 25/18, 39/18 i 17/23) vrše se u granicama gore navedenog obuhvata u cilju stvaranja planskog preduvjeta za realizaciju objekata kolektivnog stanovanja.

Kod izrade Izmjena i dopuna Plana neophodno je sagledati sve parametre koji utiču na projekciju izgradnje i uređenja prostorne cjeline, analizirati prirodne i stečene uslove u prostoru, analizirati promjene u prostoru u odnosu na važeći Plan, te dati sintezu postojećeg stanja za područje obuhvata u skladu sa članom 60. Uredbe o jedinstvenoj metodologiji za izradu planskih dokumenata ("Službene novine Federacije BiH", broj 63/04, 50/07 i 84/10).

Na osnovu podloga, Detaljnog geotehničkog izvještaja i analiza, a prilikom izrade urbanističkog rješenja Izmjena i dopuna Plana, pridržavati se slijedećih urbanističko - tehničkih uslova:

- kroz preispitivanje stvarnog stanja na terenu, a prema strateškom razvoju Općine Vogošća, sagledati prostorne mogućnosti za planiranje kolektivnih objekata stambene namjene;

- kolektivne objekte stambene namjene pozicionirati tako da se svojim gabaritima i volumetrijom uklope u postojeći krajolik, te da čine kompoziciju cjelinu sa planiranim objektima važećeg Plana u neposrednoj blizini, izvan granica obuhvata Izmjena i dopuna. Voditi računa o međusobnim rastojanjima, uslovima osunčanja, provjetravanja, te odnosu prema postojećim susjednim objektima individualnog stanovanja na sjevernoj strani;

- Izmjenama i dopunama Plana stvoriti uslove da se definišu građevinske linije objekata koje će obezbijediti samostalno djelovanje u prostoru, u skladu sa katastarskim podacima, a da arhitektonski i kompoziciono predstavljaju jednu urbanu cjelinu usklađenih estetsko - oblikovnih karakteristika;

- u granicama vlasničkih parcela, te prateći ograničenja važećeg Plana, formirati dvije građevinske parcele, razdvojene javnom, planiranom saobraćajnicom važećeg Plana;

- maksimalna spratnost planiranih objekata je $Sut + Pr + 2 + Pot$;

- osnovni urbanistički pokazatelji parcele A1 (sjeverna parcela): dozvoljena zauzetost parcele/procentat izgrađenosti (Pi) cca 35%, koeficijent izgrađenosti (Ki) do 1,35;

- osnovni urbanistički pokazatelji parcele A2 (južna parcela): dozvoljena zauzetost parcele/procentat izgrađenosti (Pi) cca 45%, koeficijent izgrađenosti (Ki) do 1,85;

- krovne plohe rješavati primjenom kosog krova, jednovodni, sa prosječnim nagibom od 15% koji prati prirodni pad terena, sa maksimalnim nadzitikom visine 1 m;

- prilikom izrade Izmjena i dopuna Plana, maksimalno uvažavati postojeću parcelaciju i vlasničku strukturu, što će omogućiti lakšu realizaciju planiranih intervencija u prostoru;

- površina etaže suterena može biti veća od površine nadzemnih etaža, ne više od 15%, ukoliko se ne remeti osnovna funkcija komunalne infrastrukture i ne zahtjeva izmještanje njihovih vodova, te ne ugrožava objekte na susjednim parcelama;

- u okviru etaže suterena planirati rješavanje saobraćaja u mirovanju, kako bi se oko objekata zadržale zelene površine (prema članu 6. Odluke o provođenju Izmjena i dopuna Urbanističkog Projekta "Solaris", "Službene novine Kantona Sarajevo", broj 24/11);

- novoplaniranim kolektivnim objektima obezbijediti potreban broj parking mjesta za kolektivni stambeni objekat, 1 stan -1 parking mjesto (prema članu 15. Odluke o provođenju Izmjena i dopuna Urbanističkog Projekta "Solaris", "Službene novine Kantona Sarajevo", broj 24/11);

- u toku izrade Izmjene i dopune Plana potrebno je zadržati koncept saobraćajne mreže definisan važećim Planom, kako položajno tako i po gabaritima;

- saobraćajno povezivanje lokaliteta koji je predmet Izmjena i dopuna Plana na uličnu mrežu obezbijediti preko saobraćajnice koja prolazi centralno između parcela k.č.1153/6 i 1154 K.O. Vogošća, a koja će se u tački A19 priključiti na saobraćajnicu A18-A19-A20-A15-A21, u skladu sa važećim Planom;

- pješačke komunikacije planirati u skladu sa distribucijom planiranih sadržaja;

- ispoštovati propise o preglednosti na svim saobraćajnicama u obuhvatu, a posebno u zonama raskršća;

- zelene površine treba da učestvuju u ukupnoj organizaciji površina u granicama Izmjena i dopuna Plana, na

način adekvatne zastupljenosti biološke komponente (sve tri vegetacione etaže), minimum 40% ukupne površine obuhvata;

- građevinske parcele hortikulturalno definisati kroz reprezentativno uređenje, sa atraktivnim elementima biološke i građevinske komponente;

- biološka komponenta treba da je zastupljena prvenstveno kroz prvu vegetacionu etažu (stablašice);

- pored biološke komponente, predvidjeti i prostore za odmor i rekreaciju opremljene elementima urbanog mobilijara);

- u okviru parcele, a prema kontaktnoj saobraćajnici, planirati niz od drveća i grmlja kako bi se unutar parcele stvorio siguran i intiman prostor;

- za sadnju stablašica na podzemnim garažama osigurati odgovarajuću dubinu pedosupstrata (minimalno 2 m), neophodnu za njihov normalan rast i razvoj;

- područje obuhvaćeno granicom Izmjena i dopuna Plana se snabdijeva iz centralnog javnog vodovodnog sistema. Pri izradi Izmjena i dopuna Plana zadržati osnovni koncept snabdijevanja vodom definisan važećim Planom, uz usaglašavanje sa urbanističko-saobraćajnim rješenjem na predmetnoj lokaciji. Distribucione cjevovode u saobraćajnici obuhvata Izmjena i dopuna Plana preispitati i planirati za rekonstrukciju odnosno izmještanje u skladu sa novonastalim potrebama, profile cjevovoda definisati tako da zadovolje potrebe za sanitarnom i protivpožarnom potrošnjom u skladu sa važećim propisima. Minimalni dozvoljeni profil u javnoj vodovodnoj mreži je Ø100 mm. Pri izradi Izmjena i dopuna Plana zadržati osnovni koncept odvodnje i tretmana otpadnih voda definisan važećim Planom. Profile kanala definisati tako da zadovolje potrebe, kako u obuhvatu tako i pripadajućim slivnim područjima. Minimalni dozvoljeni profil u javnoj kanalizacionoj mreži je Ø 300 mm.

- prema važećem Planu za fazu Toplifikacija-gasifikacija, predviđeno je priključenje planiranih objekata na niskotlačnu gasnu distributivnu mrežu 0,5 bar, te će isto rješenje zadržati i za objekte iz predmetne Izmjene i dopune Plana. Istočnom granicom obuhvata prolazi postojeći gasovod niskotlačne mreže GPL 110, a središnjim dijelom uz saobraćajnicu prolazi planirani gasovod niskotlačne gasne distributivne mreže 0,5 bar.

- primarno napajanje električnom energijom za područje promatranog obuhvata Izmjenom i dopunom Plana je iz postojeće TS 110/10(20) kV SARAJEVO 4 (VOGOŠĆA), 2 x 20 MVA. Prema važećem Planu na planiranom obuhvatu planirana je TS -1 (630 kVA). Na osnovu urbanističko tehničkih pokazatelja za obuhvat planiran Izmjenom i dopunom Plana, odrediti kapacitet planirane trafostanice. Tehničko rješenje razvoda elektroenergetske mreže usaglasiti sa nadležnim operaterom.

- unutar granice predmetne Izmjene i dopune Plana nema položene TK infrastrukture. Generalni koncept usvojenog Idejnog rješenja faze kablovske TK mreže iz 2010. godine se ne mijenja. Potrebno je prilagoditi planiranu kablovsku kanalizaciju sa urbanističko-saobraćajnim rješenjem i sa predstavnicima BH Telecoma odrediti tačku priključenja za planirane objekte. Najbliža kablovska kanalizacije je na udaljenosti cca 30m od južne granice Izmjene i dopune Plana. Interni i kućni priključci i izvodi, kao i planiranje trase kablovske TK kanalizacije do individualnih objekata nisu predmet Idejnog rješenja;

- implementirati planska usmjerenja iz "Elaborata o lokacijama reciklažnih dvorišta, niša i zelenih otoka sa lociranjem u prostorno-planskoj dokumentaciji i investicijskim planom Općine Vogošća" koja su definisana u saradnji Općine, KJKP "RAD" i Zavoda za planiranje razvoja KS;

Prije usvajanja Izmjena i dopuna Plana pribaviti saglasnost na isti od strane svih nadležnih organa i institucija u skladu sa Zakonom o prostornom uređenju ("Službene novine Kantona Sarajevo", broj 24/17, 1/18), i ostalim provedbenim propisima i općim aktima nadležnih organa, kojima se određuju odgovarajući zaštitni infrastrukturni pojasevi i ostala pitanja po kojima je potrebna saglasnost nadležnih organa u postupku odobravanja promjena i zahvata u prostoru.

Član 5.

(Rokovi za pripremu i izradu Plana)

Rokovi za pripremu i izradu Izmjena i dopuna Plana su slijedeći:

- Odluka o pristupanju izradi Izmjena i dopuna Plana: maj 2024. godine,

- Prijedlog Izmjena i dopuna Plana: 60 dana od obezbjeđenja Geodetskih podloga i Goetehničkog izvještaja,

- Javna tribina (upoznavanje javnosti): U trajanju 15 dana od isporuke Prijedloga Izmjena i dopuna Plana,

- Usvajanje Izmjena i dopuna Plana: 30 dana nakon završetka Javne tribine.

Dati rokovi za pripremu i izradu Izmjena i dopuna Plana su optimalni i zavisiće od ispunjavanja uslova i poštivanja rokova koji se odnose na dobivanje podloga i geotehničkog izvještaja potrebnih za izradu Izmjena i dopuna Plana, te usvajanja pojedinih faza izrade Plana od strane Općine. U rok izvršenja ne ulazi rok za dobivanje saglasnosti od nadležnih institucija za komunalnu infrastrukturu.

Član 6.

(Način osiguranja sredstava za izradu Plana)

Troškove izrade Izmjena i dopuna Plana u iznosu od 14.600,00 KM, kao i troškove pribavljanja Geodetskih podloga i Goetehničkog izvještaja, snosit će vlasnik zemljišta.

Član 7.

(Nosilac pripreme Plana i Nosilac izrade Plana)

Nosilac pripreme Plana je Načelnik Općine Vogošća.

Nosilac izrade Plana je Zavod za planiranje razvoja Kantona Sarajevo.

Član 8.

(Donošenje Plana)

Nosilac izrade Plana izradit će Prijedlog Plana i dostaviti ga Nosiocu pripreme Plana. Nosilac pripreme Plana utvrditi će Prijedlog plana i podnijeti ga Općinskom vijeću na donošenje.

Član 9.

(Sadržaj Odluke)

Sastavni dio ove Odluke je grafički prilog sa ucrtanom granicom područja planiranja.


Član 10.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-908/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.




IZMJENE I DOPUNE URBANISTIČKOG PROJEKTA "SOLARIS"
Objekti kolektivnog stanovanja na parcelama k.č. 1153/6 i 1154 K.O. Vogošća
(Sl. novine Grada Sarajeva br: 5/88, 16/90, Sl. novine Kantona Sarajevo br: 24/11, 35/18, 25/18, 17/23)

M 1:1000



***** GRANICA OBUHVATA IZMJENA I DOPUNA URBANISTIČKOG PROJEKTA "SOLARIS"
Objekti kolektivnog stanovanja na parcelama k.č. 1153/6 i 1154 K.O. Vogošća
Pobuhvata = 0,46 ha.



Na osnovu člana 6. stav 1. Zakona o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04, 26/12, 32/12 - Ispravka i 24/15), člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 9/20), Općinsko vijeće Vogošća, na sjednici održanoj 30.05.2024. godine, donijelo je

**ODLUKU
O USVAJANJU DOPUNE ELABORATA O
PRIVREMENOM KORIŠTENJU JAVNIH POVRŠINA
NA PODRUČJU OPĆINE VOGOŠĆA**

Član 1.

Ovom Odlukom usvaja se Dopuna Elaborata o privremenom korištenju javnih površina na području općine Vogošća.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-957/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 13. stav 4. Zakona o cestama Federacije BiH ("Službene novine Federacije BiH", broj 12/10, 16/10 i 66/13), člana 9. stav 1. tačka 5. Zakona o lokalnoj samoupravi ("Službene novine Kantona Sarajevo", broj: 22/00 - Prečišćeni tekst), člana 23. stav 1. tačka 6. i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 9/20) Općinsko vijeće Vogošća na sjednici održanoj 30.05.2024. godine donijelo je

**ODLUKU
O USVAJANJU PLANA ZIMSKOG ODRŽAVANJA
PUTEVA NA PODRUČJU OPĆINE VOGOŠĆA U
SEZONI 2024/2025. GODINA**

Član 1.

Ovom Odlukom usvaja se Plan zimskog održavanja puteva na području općine Vogošća, čije upravljanje, građenje, rekonstrukciju, održavanje i zaštitu vrši nadležni općinski organ, u sezoni 2024/2025. godina, odnosno za period od 15.11.2024. godine do 15.03.2025. godine.

Član 2.

Finansiranje zimskog održavanja lokalnih i nekategorisanih puteva, koji su u nadležnosti Općine Vogošća, vršit će se iz Budžeta Općine Vogošća, a dio lokalnih puteva na području općine Vogošća čije je održavanje i zaštitu preuzela Direkcija za puteve Kantona Sarajevo, finansirat će Ministarstvo saobraćaja Kantona Sarajevo odnosno Direkcija za puteve Kantona Sarajevo.

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-984/24
30. maja 2024. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15) i člana 8. stav 3 alineja 3. Zakona o principima lokalne samouprave ("Službene novine Federacije BiH", broj 49/06 i 51/09), Općinsko vijeće Vogošća, na sjednici održanoj 30.05.2024. godine, donijelo je

**ODLUKU
O OSNIVANJU PRIVREDNE ZONE "SEMIZOVAC"
VOGOŠĆA**

Član 1.

Ovom Odlukom se osniva Privredna zona "Semizovac" Vogošća, (u daljem tekstu: "Privredna zona").

Član 2.

Privredna zona zauzima površinu od 14,90 ha, nalazi se u naselju Semizovac, Vogošća, a utvrđena je Odlukom o usvajanju Regulatornog plana "Privredna zona Semizovac" Vogošća, ("Službene novine Kantona Sarajevo", broj 40/19).